

Nocc de Natal

Testo e musica : Roger Annen

Summ li che camini par strada cui man in sacocia perdüu in di pensee
Ma disi l è matt istu mund a l è tanta la gent ca pert ul sentee
Un pass dopu l altru ma lasi guidaa in sula strada che porta in paes
Ed ecco che riva dal ciel ul prim fiocc de nev

A slunghi la man par ciapal ma ghè un reful da vent e la porta luntan
Al guardi naa via leger come 'l füsà 'na piuma che gora pian pian
Ul ciel gris a l'è 'na cuerta de lana stendüda fra mi e la nocc
Senti 'na vuus che ma ciama iè i mè campann

**E la nev la vegn giò la cuercia tütt de bianc a ghè 'n aria insci fregia
Ma da dent gu tantu calt e i pensee iè come fiocc de nev
Che iè volaa via luntan luntan luntan luntan luntan**

Sül sagraa ghè i bagai che giügata cun sü la bareta i guant e 'l giaccon
A ghè 'na vegeta che fa sü i scarin da la gesa ga verdi ul porton
Denta ghè l'orgen che 'l sona ghè già gent che canta 'na bela canzon
Ma seti n'dal prim post che trövi 'm vegn già 'l magon

**E la nev la vegn giò la cuercia tütt de bianc a ghè 'n aria insci fregia
Ma da dent gu tantu calt e i pensee iè come fiocc de nev
Che iè volaa via luntan luntan luntan luntan luntan**

Summ li che riturni vers ca cun i man in sacocia perdü in di pen see
Senti la nev che la crica sott i pee

